

Ti a iyi Pɔlu í ce a inɛi Efɛɛzu ɲa

Í ce ɲa fɔɔ

¹ Amui Pɔlu amu iyi ɲ jɛ woo bei Jesu Kirisi do idɔɔbii Ilaaɔ.

Iɲɛ inɛi Efɛɛzu ɲa, inɛ woo dasi Jesu Kirisi naane ɲa, ɲ wa n ce ɲɛ fɔɔ, inɛ iyi Ilaaɔ í cicau.

² Ilaaɔ Baa nwa do Lafɛɛ Jesu Kirisi a mu ɲɛ didɔ do laakai ku sũ.

Didɔ iyi Ilaaɔ í ce nwa si anu akã nwa do Kirisi

³ I jò ka saabu Ilaaɔ Baai Lafɛɛ nwa Jesu Kirisi. Na saabui anu akã nwa do Kirisi, í wee nwa do didɔ ikã ikã iyi Hundee wa mu nwa wa hai lele.

⁴ Ilaaɔ í cica wa tã hai waati iyi kù taka andunya ka jɛ titɛɛ si kpãai Kirisi, nɔ ka jɛ inɛ kumá ɲa ka maà nɛ taale kãma bi tɛɛ.

⁵ Si kubie í lasabu wo hai ku kpɛ ku ce wa amaɛ ɲa si anu akã nwa do Jesu Kirisi, si bei í bi si jiida ku jɛɛ

⁶ ku ba ka saabu didɔ nla nlaɛ iyi í ce nwa si anu akã nwa do amaɛ, inɛ iyi siei kubie fei í wa.

⁷ Do saabui nɛi Jesu Ilaaɔ í ya wa nɔ í kpa ideɪ dulum du wa si didɔ nlaɛ iyi í nyisi wa.

⁸ Didɔ iyi í ce nwa í caa si bei i mu nwa bisi nla nla do laakai jiida.

⁹ Nɔ í jò a mà asii iyi ɲɲu takae í dasi idɔ ku ce hai tako na jiida ku jɛɛ.

¹⁰ Lasabui Ilaaɔu iyi á ce si aɲɔ iyi awaatie í to ɲɲui í jɛ ku tɔtɔ mii iyi í taka fei, hai mii iyi í wa lele do iyi í wa ile fei, nɔ Kirisi ku jɛ irie.

11 Ntɔ ntɔ, mii fei wa cei si bei Ilaaɔ́ í bi. Na nɔ́, à jɛ woo jɛ tubu bi tɛɛ na anu akã nwa do Kirisi, si na iyi í jò í cica wa wo si bei nɔ́ takæ í dasi idɔ hai tako.

12 Na nɔ́, i jò ka saabu kulai Ilaaɔ́, awa Zuifu ɔ́a iyi à tako à waa cɔ́ kpãai Kirisi wo.

13 Nɔ́ inɛ dimi mmu ɔ́a mɔ́, ajɔ́ iyi ì gbɔ́ ide ntɔ́u iyi í jɛ laabaau jiida iyi wa naa nɛ faaba wa, waati bɛɛbei inɛ mɔ́ í dasi Kirisi naane ɔ́a. Nɔ́ Ilaaɔ́́ í dasi nyindai nɔ́ takæ si nɛ. Nyindau nɔ́ui í jɛ Hunde iyi í da nɛ si si bei í ce kuwãɛ wo.

14 Hundeɛu nɔ́ui í yɛ bei kaazigii tubu nwa iyi Ilaaɔ́́ í wãð inɛɛ ɔ́a wo. Nɔ́ wa sɔ́ wa kam kam iyi aa ka jɛ tubuu si waati iyi Ilaaɔ́́ á ya inɛɛ ɔ́a mam mam. Na nɔ́, ka saabu kulæ.

Kutɔ́i Pɔ́lu

15 Na saabui ide ɔ́au bɛ feii í jò hai waati iyi ñ gbɔ́ baau naane ku dasi nɛ si Lafɛɛ Jesu do bei ì bi woo dasiɛ naane ɔ́a fei,

16 n ci ya n gbɛɛjið Ilaaɔ́́ ku saabu na iri nɛ. Ñ wa n ye gigi nɛ si kutɔ́m.

17 Ñ wa n tɔ́ Ilaaɔ́́ ilu amboe, Baai Lafɛɛ nwa Jesu Kirisi, ku ce nɛ ilu laakai jiida nɔ́ ku nyisi nɛ bei nɔ́ takæ í yɛ ku ba i màa sãa sãa ɔ́a.

18 Ñ wa n tɔ́ɛ má ku jò inya kumá ku lɔ́ si idɔ nɛ ku ba i mà yaasei kpãa ku cɔ́ si bii í kpe nɛ, do si bei tubu iyi í jilɛa woo dasiɛ naane ɔ́a í la í to,

19 do bei gbugbã nlaɛ wa ce icɛ si awa iyi à dasiɛ naane. Gbugbãu, í jɛ akã do gbugbã nla

20 iyi í ce í jìð Kirisi hai si bale, nɔ́ í bubæ si awɔ́ nɛɛ lele.

21 Bɛi Kirisi í wa í reò ilu irii lele fei do ilu yiiko ɲa do ilu gbugbã ɲa do lafɛɛ ɲa fei. Nɔ iriɛ í re iri fei si waatiu ihɛ do si waati iyi wa naa.

22 Nɔ Ilaaɔ́ í jò í jɛ irii mii fei, nɔ́ í cicɛ ku jɛ ilaalu nlai igbɛɛ.

23 Igbɛui í jɛ arai Kirisi. Si igbɛui Kirisi takɛ́ í wa nɔ́ í kɔ́ dee dee, nɲu iyi í wa bii fei si mii baa yooma fei.

2

Hai si iku à bɔ́ si kuwɛɛ

1 Tako wo ì yɛ ɲai bɛi iku ɲa na irii kurara nɲɛ do dulum du nɲɛ.

2 Kucei tako nɲɛ́ í jɔ́ ti inɛi andunya ɲa, nɔ́ ì ya maa jirima Seetam, ilaalui ilu gbugbã́i lele ɲa. Ilaaluu nɲui í jɛ hunde iyi wa ce icɛ hee nɛi si idɔ́i inɛ ɲa iyi a kù waa jirima ideɪ Ilaaɔ́.

3 Ntɔ́i, awa fei à tako à yɛi wo bɛi aɲa mɔ́. Binɛ nwai wa nɛò wa, nɔ́ à waa ce mii iyi awa taka nwa à bi do iyi à waa lasabu. À yɛi wo bɛi inɛi andunya ɲa, aɲa iyi aa na a yɛ idɔ́kɔ́i Ilaaɔ́.

4 Amma araarei Ilaaɔ́́ í la na kubi nlaɛ iyi í bi wa.

5 Hai waati iyi kurara nwa í ce wa bɛi iku ɲa, Ilaaɔ́́ í mu nwa kuwɛɛ do Kirisi a jɔ́. Na didɔ́ɛi ì baò faaba ɲa.

6 Si anu akã nwa do Kirisi, Ilaaɔ́́́ í jɪ́ wa hai si bale ka jɛ bomma lele do Jesu Kirisi a jɔ́.

7 Í ce bɛɛbɛi ku ba ku nyisi didɔ́ nla hai nɛ kɔ́ɛ si jiida ku jɛɛ iyi í ce nwa do saabui Jesu Kirisi hee do a jɔ́ fei.

8 Na didɔ́i Ilaaɔ́́i ì ba faaba ɲa do saabui naanɛ ku dasi. Kù jɛ na himma nɲɛ, amuai Ilaaɔ́́i.

⁹ Kù jɛ ribai icɛ nɛɛ. Na nɛɛ, inɛ gɔ kaa yɔkɔ ku tɔɔ fufu.

¹⁰ Awa icɛi awɔi Ilaaɔi à jɛ. Í taka wai si anu akã nwa do Jesu Kirisi ka ceò icɛ jiiɔa iyi í ce sɔɔluɛ hai ku kpɛ.

Dimi fei í jɛ akã si Kirisi

¹¹ Inɛ dimi mmu ɛa, i ye gigi ɛa iyi inɛ ɛa iyi à ya ce bango ɛau à ya maa kpe ɛe hai ce bango ɛa wo.

¹² Waaɔi bɛɛbɛ í jii Kirisi ɛa wo nɔ ò jɛ isɛ mmu bi inɛi Izireli ɛa. I kù nɛ baa nɛɛ si akabuu iyi Ilaaɔ í wãò inɛɛ ɛa. Í wa si andunya ihẽ i kù waa cɔò kpãai nkãma ɛa, nɔ i kù wɛɛa Ilaaɔ ɛa.

¹³ Amma nɛɛi iyi ò nɛ anu akã do Jesu Kirisi ɛa, inɛ iyi ò tako ò wa iji ɛa, weɛ nɛɛi ò ce amɛɛ do Ilaaɔ ɛa do saabui nɛɛi Kirisi.

¹⁴ Kirisi takãɛi í jɛ nwa laakai ku sũ, nɛɛu iyi í ce Zuifu ɛa do dimi mmu ɛa akã. Nɛɛu í kpa mbɛɛɛɛ iyi í ye bei idí iyi wa fɛɛfɛ wa wo.

¹⁵ Do ikui araɛi í kpaò irii woodai Zuifu ɛa do iwɔɛ ɛa ku ba ku yɔkɔ ku ce dimi minji ɛau dimi titɔ akã lege lege si nɛɛu takãɛ. Si bɛɛbɛi, í dasi laakai ku sũ si anini ɛa.

¹⁶ Do saabui ikue si antai jii ku gaauui í kpaò mbɛɛɛɛ iyi a waa muò nɛɛ wo, nɔ í tɔtɔɔ dimi minji ɛau akã í jò à dɔ do Ilaaɔ. Aɛa fei à baa à jɛ ara akã aɔ.

¹⁷ Bɛɛbɛi kukɔi ideɛi Ilaaɔ í kɔ, si bei í ni Kirisi í naa ku sisi laabaauui laakai ku sũ bi tu ɛe, inɛ iyi ò tako ò jii Ilaaɔ, do bi Zuifu ɛa, aɛa iyi à ceòɛ amɛɛ.

¹⁸ Nɔ nɔɔi, do saabui Kirisi awa fei, Zuifu ɛa do dimi mmu ɛa, aa ka yɔkɔ ka bɔ wajui Ilaaɔ Baaba do sobii Hunde akãu.

19 Si bɛɛbɛ, i kù jɛ dimi mmu ɲa ma, walakɔ isɛ mmu, amma nsei ì jɛ inɛi ilu akã ɲa do woo dasi Jesu naane ɲa fei, nɔ ì jɛ inɛi kpasɛi Ilaaɔ ɲa.

20 Inɛ mɔ ì yɛi bei idɪ iyi à ma si antai icui ile iyi woo bɛ ɲau do walii ɲau à jilɛ. Jesu Kirisi takaei í jɛ kuta sintei icui ileu.

21 Nɲui á jò ileu ku la nɔ ku nɛ gbugbã nɔ ku jɛ bi ku tɔɔi Lafɛɛ iyi í má jiidá.

22 Na anu akã nɲɛ do Kirisi, inɛ mɔ ì yɛi bei ileu, nɔ inɛɔ ɲa ì jɛɔ bi ku wai Hundei Ilaaɔ ɲa.

3

Icɛi Pɔlu na dimi mmu ɲa

1 Na saabui iyi ihɛi amu Pɔlu n wa n ce kutɔɔ, amu iyi n wa piisɔɔ si na iyi í jò n wa n ce icɛi Kirisi na irii inɛ dimi mmu ɲa.

2 N`mà kam kam iyi ì gbɔ tã ɲa bei Ilaaɔ í ceem didɔ ku ba n naa n sisi nɲɛ yaasei didɔu,

3 do si bei nɲu takae í jò n`mà asiiɛ. Wee n kɔ ideu keeke tã.

4 Bii ì cio ideu ɲa, aa yɔɔ ɲa iyi n`mà asiii idei Kirisi do ntɔ.

5 A kù sɔ inɛi tako ɲa asiii ideu, amma nsei Ilaaɔ í jò Hundei í nyisi woo bɛɛ do walii kumáɛ ɲa.

6 Asiiu wee. Do saabui laabaau jiidai dimi mmu ɲa do Zuifu ɲau à jɛɔ woo jɛ tubu ajɔ. Aɲaɔ ɲa à baa à jɛ ara akã, nɔ aɲa mɔ à nɛ baa nɲa si ide iyi Ilaaɔ í wã nɲu ku ce si Jesu Kirisiu.

7 Do saabui didɔ iyi Ilaaɔ í ceem si gbugbãɛ ɲɔi í jò n`jɛ woo ce icɛi laabaau jiidau.

8 Amu iyi n`jɛ keekei woo dasi Jesu naane ɲa fei, amui Ilaaɔ í cea didɔ n sisia dimi mmu ɲa laabaau

jiida nɔ n sɔ ɲa bei didɔi Kirisi í la í to nɔ í re kumà nwa.

⁹ Nɔ n sisia inɛ fei bei yaasei asiii Ilaaɔ á ce ku ceò. Ilaaɔ, ɲɲu iyi í taka mii fei í singa asiuu ihɛ hai ku kpe,

¹⁰ ku ba inɛ ngboi lele ɲa do ilu yiikoi lele ɲa a mà yaasei bisie do saabui igbei inɛi Jesu ɲa si waatiu ihɛ.

¹¹ Bɛɛbei í ce í jilɛò ide iyi wa ce, í bei í takaò andunya, nɔ í kpa irie si Jesu Kirisi Lafɛɛ nwa.

¹² Naanɛ iyi à dasieui í jò à nɛ anu akã do ɲɲu. Na ɲɔi í jò à nɛ ara nwa ka bɔ wajui Ilaaɔ do laakai akã.

¹³ Na ɲɲu, ñ wa n tɔɔ ɲɛ í maà mɔngɔ temua ɲa na ijuukpã iyi ñ wa n ye na iri ɲɲɛ, domi ijuukpãu, ɲɲui á jò í nɛ bɛɛɛ ɲa ntɔ ntɔ.

Kubii Kirisi

¹⁴ Nɔ na saabui ideui ñ wa n gule si wajui Ilaaɔ Baaba.

¹⁵ ɲɲui í je Baai nyaanze baa yooma fei iyi i wa lele do iyi í wa ilɛ fei.

¹⁶ Ñ wa n tɔɔɛ ku jò Hundɛɛ ku mu ɲɲɛ gbugbã jiida jiida si idɔ ɲɲɛ si bei amboeɛ í la í to,

¹⁷ nɔ Kirisi ku ce bi ku wae si idɔ ɲɲɛ na naanɛ ku dasi ɲɲɛ. Nɔ ñ wa n tɔɔ má ku jò í nɛ gbugbã í maa leekɪ dim dim si kubi ɲa,

¹⁸ ku ba inɛ do woo dasi Jesu naanɛ ɲa iyi à gbe fei i yɔkɔ i mà zaka bei kubii Kirisi í cɪ í to do kusɛ do kujjisae do kugbokae.

¹⁹ Baa do iyi kubiu í re kumàì amanɛ fei, ñ bi i mà yaaseɛ ɲa ku ba ì kɔ mam mam bei Ilaaɔ í kɔ.

²⁰ Ilaaɔ í nɛ yiiko ku ce mii iyi à waa tɔɔ fei do iyi à waa lasabu fei, nɔ á yɔkɔ ku ce baa mii iyi í re bɛɛbɛ mɔm hee ku caa.

21 Í s̄ia inei igbɛɛ ɲa a j̄ò inɛ ɲa a mà bɛɛɛɛ waati k̄ama fei hee do aɲo fei do saabui Jesu Kirisi. Ami.

4

Anu akā iyi à nɛ, awa iyi à jɛ arai Kirisi

¹ Na nɲu, amu iyi ñ wa piis̄ɔ si na iyi í j̄ò ñ wa n ce icei Laf̄ɛɛ, ñ wa n t̄ɔ ɲɛ í maa nɛ dee dee si bei í j̄ò inɛ ɲa iyi Ilaāɔ í kpe à ya nɛ.

² I ya maa nɛ do ara ku kaye ɲa, do daa did̄ɔ do temua, n̄o í ya maa mu nɲɛ ɲa do kubi.

³ I ce kookaai i ya mu anu akā iyi Hundei Ilaāɔ wa mu nɲɛ na saabui laakai ku s̄u iyi í t̄ɔt̄ɔ ɲɛ.

⁴ Ara akāi í wɛɛ, Hundɛ akā m̄oi í wɛɛ, n̄o kp̄aa ku c̄o akā m̄oi í wɛɛ si bii Ilaāɔ í kpe ɲɛ.

⁵ Laf̄ɛɛ akāi í wɛɛ, naanɛ ku dasi akā m̄oi í wɛɛ, n̄o inyi ku dasi akāi í wɛɛ.

⁶ Ilaāɔ akāi í wɛɛ iyi í jɛ baai inɛ fei. Nɲui í jɛ ilaalui mii fei, nɲui í wa bí inɛ fei, n̄o í wa si inɛ fei.

⁷ Amma do nɲu fei awa fei à ba amua nwa si bei Kirisi í mu nwa.

⁸ Na nɲu, kuk̄oi idei Ilaāɔ wa f̄o í ni, Waati iyi í ḡu lele

Í jɛ mbɛɛɛ ɲa iḡu í mu ɲa aru,

N̄o í cea inɛ ɲa amua ɲa.

⁹ To, bii à ni í ḡu lele, iyi be wa nyisi iyi í tako í kita í b̄o hee l̄ɛl̄ɛi il̄ɛi.

¹⁰ Inɛ iyi í kita í b̄o hee l̄ɛl̄ɛi il̄ɛu n̄o í nyi í ḡu leleu má inɛ ak̄aui, ku ba ku j̄ò mii fei ku k̄ɔ dee dee.

¹¹ Amua ɲa iyi í cea inɛ ɲa wee, í cica inɛ ḡo ɲa à jɛ woo be ɲa, inɛ ḡo ɲa m̄o walii ɲa, inɛ ḡo ɲa m̄o woo sisi laabaau jiida ɲa, inɛ ḡo ɲa m̄o woo degbe inei igbei Jesu ɲa, inɛ ḡo ɲa m̄o woo k̄o inɛ ɲa si cio.

12 Bɛɛbɛi í ce ku ba ku ceò sɔɔlui woo dasi Jesu naane ɲa si icɛɛ, ku ba ku kɔ̀si gbugbãi arai Kirisi.

13 Nɔ bɛɛbɛ mɔi awa fei aa ka ce anu akã si naane ku dasiu nɔ ka mà Amai Ilaaɔ, nɔ ka jɛ inɛ ngbo ka tɔo alái Kirisi.

14 Do yaase bɛɛbɛi a kaa ka jɛ bɛi amu ɲa má, hee cio ikã ikã ku maa tale wa ihɛ walakɔ ihɔ bɛi fufu í ya maa tale akɔi inyi bii fei. Nɔ inɛ ɲa a kaa ɖi iju nwa má hee má jɛ a wa inyii ití nwa do bisi laalɔ ɲa.

15 Amma bii à waa sisi ntɔu do kubi aa ka la si mii fei ka tɔo alái Kirisi iyi í jɛ iriu.

16 Siɛi awa fei à waa kã bɛi ikɔi ara, nɔ arau fei í másie do ikɔ ikɔɛ. Nsei, bii ikɔ fei wa ce icɛ si bɛi í jɔ, arau fei á lai ku maa kɔ̀si na saabui kubi.

Kuwɛɛ titɔ si Kirisi

17 Ide iyi ñ wa n sɔ ɲɛ do irii Lafɛɛ wee. I maà jò i ya maa ne má bɛi hai dasi Jesu naane ɲa, inɛ ɲa iyi à waa too lasabu nfe nfe ɲa.

18 A kù ne laakai jiida. À le idɔ ɲa nɔ a kù mà nkãma. Nɲui í jò a kù ne ikpɛ si kuwɛɛ iyi Ilaaɔ wa mu nwa.

19 A kù ne anyɔ gɔ má, à na ara ɲa mam mam si dulum a ceò daa laalɔ dimi ikã ikã fei do bine.

20 Amma inɛ, kù jɛ bɛɛbɛi ì màò Kirisi ɲa.

21 Ñ nɔ ñ mà kam kam iyi ì gbɔ ideɛ ɲa, nɔ à kɔ ɲɛ si ntɔ iyi í wa si Jesu.

22 Na ɲɲu, í jò daa nwo ɲɲɛ ɲa iyi wa nɛò kuwɛɛ ɲɲɛ wo, domi binei daa nwo ɲɲɛ ɲaui wa ɖi iju ɲɲɛ nɔ wa bɔò ɲɛ nfe ku ce.

23 I jò i ne idɔ titɔ do lasabu titɔ mam mam ɲa,

24 nɔ i jò i ne daa titɔ ɲa iyi í jɔ ti Ilaaɔ. Daa titɔu, aa yɔɔi si dee dee ku jɛ ɲɲɛ do kuwɛɛ hai ne dulum. Iyi bɛ hai bi ntɔi wa naa.

25 Na nɛɛ, i maà ya sɔ ibo má ɛa. I jò inɛ fei ku sɔ kpaasie ntɔ, domi à jɛ ikɔ ikā ikāi ara akā.

26 Baa bii idɔ nɛɛ í kɔ, i maà ya ce dulum ɛa. I maà ya jò idɔkɔ ku wɛɛ nɛɛ hee inunu koo lɔɔ.

27 I maà jò Seetam ku ba bi ku dasi ise si nɛɛ.

28 Inɛ iyi í ya ce ile wo, ku maà ce ile má, amma ku ya ce ice do awɔɛ. Bɛɛɛi á ba mii jiida ɛa iyi á sobiò ilu are ɛa.

29 Nɔ i maà ya jò ide laalɔ kāma ku fita hai si gele nɛɛ. Amma i ya fɔ ide jiida iyi á mua inɛ ɛa gbugbā si naanɛ ku dasi nɔ ku sobi ɛa si bukaata nɛɛ nɔ inɛ ɛa iyi á waa gbɔɔ ku jɛ nɛɛ aranfāani jiida.

30 I maà fɔ inɔi Hundei Ilaaɔ ɛa, domi Hundeu bei í jɛ sɛɛdai Ilaaɔ si nɛɛ hee koo toɔ aɔɔ iyi Ilaaɔ á yá inɛɛ ɛa mam mam.

31 I nyɔ daa kuro nɛɛ fei do idɔkɔ yaamɔ do idɔkɔ. Nɔ i maà ya gbagba si nɛɛ walakɔ i maà sɔ irii nɛɛ ɛa. I jò inɔ sāmi baa yooma fei.

32 I cea nɛɛ didɔ ɛa, nɔ i ya nɛ araarei nɛɛ ɛa, nɔ i ya kpa nɛɛ ide i kurara ɛa bei Ilaaɔ i kpa ide i kurarai inɛ mɔ na irii Kirisi.

5

Kuwɛɛ si inya kumá

1 Na nɛɛ, si na iyi í jò ì jɛ amu ɛa iyi Ilaaɔ í bi ɛa, i ce bei nɛɛ takae.

2 I jò kookoosui kuwɛɛ nɛɛ kú nyisi kubi bei Kirisi í bi wa, nɔ í na kuwɛɛ na iri nwa. Kuwɛɛ iyi í nau nɛɛ í jɛ kuwɛɛ jiida iyi inunuɛ í dɔa Ilaaɔ si.

3 Inɛ ti Ilaaɔi í jɛ ɛa. Na nɛɛ, i maà ya ce baa ngɔɔɔ iyi á jò inɛ ɛa a sɔ iri nɛɛ a ni ì tɔtɔ sɛɛ hai nɛ yaase ɛa walakɔ a ni ì ce daa laalɔ ɛa walakɔ bine.

⁴ Nɔ̀ i maà ya jò ideɪ anyɔ̀ walakɔ̀ ide hai ne yaase walakɔ̀ ide nfe nfe ku fita hai si gele nɛ, domi ide dimi beɛbe kù jò ò nɛ, amma i jò ide nɛ ku ya je Ilaaɔ̀ ku saabu.

⁵ I jò i mà ɲa kam kam iyi woo tɔ̀tɔ̀ sɛɛ hai ne yaase do ilu daa sãmi ɲa, kãma ɲa kù ne ikpɛ si bommai Ilaaɔ̀ do ti Kirisi. Beɛbe mɔ̀i hee do ilu bine ɲa fei, kãma ɲa kù ne ikpɛ si bommai Ilaaɔ̀ do ti Kirisi domi bine í yei bei iwɛ ku tɔ̀.

⁶ I maà ya jò ine gɔ̀ ku dī iju nɛ do ide nfe, domi na ɲu bei í jò idɔ̀kɔ̀i Ilaaɔ̀ wa naa si irii ine ɲa iyi a kù waa jirimae.

⁷ Na ɲu, i maà ya jò ide gɔ̀ ku tɔ̀tɔ̀ nɛ do amanɛ dimi beɛbe ɲa.

⁸ Inɛ taka nɛ, si ilu kukui ì wa ɲa wo, amma nsei, ì wa si inya kumá ɲa na anu akã nɛ do Lafɛɛ. Na ɲu, i jò isɛɛnɛ nɛ ku jò ine ɲa iyi à waa ne si inya kumá,

⁹ domi bii à waa ne si inya kumá kuce iyi aa ka ce ɲui í je daa didɔ̀ baa yooma fei do dee dee ku je do ntɔ̀ ku fɔ̀.

¹⁰ I ce kookaai i mà mii iyi á dɔ̀a Lafɛɛ si.

¹¹ I maà dasi ara nɛ si kookoosu laalɔ̀ iyi amanɛ ɲa à waa ce si ilu kuku. Amma kookoosu dimi beɛbe i ya fɔ̀ ɲa.

¹² Anyɔ̀ nla nla mɔ̀m nii bii à fɔ̀ mii iyi ine ɲau à waa ce si asii.

¹³ Amma kookoosuu be bii à fɔ̀ á fita si inya kumá.

¹⁴ Nɔ̀ mii iyi í fita gbugbã fei í ya mái. Na ɲɔ̀i í ce kukɔ̀i kukɔ̀i ideɪ Ilaaɔ̀ í fɔ̀ í ni,

Awɔ̀ iyi ì waa sī njoo, jī.

Dede hai si inɔ̀i iku ɲa,

Nɔ Kirisi ku mée inya.

¹⁵ Na n̄ju, i ce laakaii iseeɛne n̄je. I maà jò i maa ne bei ine ɲa iyi a ci ya lasabu, amma i maa ne do laakai ɲa.

¹⁶ Waati iyi ì ne ɲa, i ceò ice, domi waatiu ihē bei waati laabi.

¹⁷ Na n̄ju, i maà ye bei ine ɲa iyi a ci ya lasabu, amma i hanya ɲa ku ba i mà mii iyi Aɔ Lafēe í bi i ce ɲa.

¹⁸ I maà ya jò atē ku kpa ɲe, domi si bei daa bereteke fei í wa. Amma i jò i kɔ̀ò Hundei Ilaaɔ ɲa.

¹⁹ I jò saabu do iri ku kɔ̀ ku ya wa si faaji n̄je, i ya kɔ̀ iri do irii Ilaaɔ, i cūu do idɔ n̄je fei.

²⁰ I ya maa saabu Ilaaɔ Baaba waati kãma fei ɲa si mii fei do irii Lafēe nwa Jesu Kirisi.

Abo do mɔ̀kɔ̀

²¹ In̄je iyi ì mà beerei Kirisi, i ya sūa n̄je iri ile ɲa.

²² In̄je inaabo ɲa i sūa mɔ̀kɔ̀ n̄je ɲa iri ile bei aa cea Lafēe ɲa,

²³ domi mɔ̀kɔ̀i í je ine ngboi aboe, bei Kirisi mɔ̀ í je ine ngboi igbeɛ. Igbeui í je arai Kirisi, nɔ Kirisi mɔ̀i í je woo faabaɛ.

²⁴ Nɔ si bei igbeu í ya sūa Kirisi iri ile, beɛbe mɔ̀i inaabo ɲa à ne a sūa mɔ̀kɔ̀ n̄ja ɲa iri ile si mii fei.

²⁵ Nɔ in̄je mɔ̀kɔ̀ ɲau i bi abo n̄je ɲa bei Kirisi í bi in̄ei igbeɛ ɲa, nɔ í na kuwɛɛɛ na iri n̄ja.

²⁶ Í nya ɲa ikã nɔ í we ɲa í jò à má na saabui ideɛ.

²⁷ Í bi igbeu ku naa si wajue do kusɪae fei, ku maà ti ku ne riisi gɔ̀, nɔ batai arae ku maà yuguu, nɔ ku maà ne mii mmu dimi beɛbe gɔ̀ ɲa má, amma í bi ku je dee deei, ku maà ne taale kãma.

28 Bεεbei í jò məkò ηα á bi abo nηα ηα bei à bi ara nηα. Inε iyi í bi aboe í bi araei.

29 Inε gò kù nò kù wεε iyi í cé arae, amma í ya maa wòoi nò ku maa gbɔa bei Kirisi wa ce na igbεε.

30 Igbεεu nηui í je arae nò awa fei à yei bei ikǎ ikǎi araeu.

31 Kukòi idei Ilaaǎ wa fò í ni, na nηu, məkò á jò iyeò baaei, nò ku wεε do aboe ku ba aηa minji fei a baa a je ara akã.

32 Asiiu ihē ide nla nlai, amma idei Kirisi do igbεei ñ wa n fãa.

33 Na nηu, məkò fei ku bi aboe bei í bi arae, nò abo fei ku jirima məkòε.

6

Amu ηa do baa nηa ηa

1 Inε amu ηa, i jirima inε ηa iyi à waa mu ηε si bei Ilaaǎ í bi, domi bεεbei í s̄la.

2 Wooda sinte iyi Ilaaǎ í ceò kuwã wee. I jirima iyeò baa nηε ηa

3 ku ba i nε inò didǎ ηa nò hunde nηε ku sò si andunya.

4 Inε baa ηa, i maà ya kǎ idoi ama nηε ηa, amma i bi ηa, i dasi ηa iju ηa i kò ηa si idei Aǎ Lafēε ηa.

Aru do lafēεε

5 Inε aru ηa, i jirima lafēεε nηε ηa si andunyau ihē do bεεε do kuyaya, ku maà je do muafiti, nò kú ye bei Kirisii ì waa cea ηa.

6 Ku maà je bii à leekí à waa cò ηε nηu akã. Bii í je waati iyi à waa cò ηε nηu akã, í ye bei amanε ηai ì waa cea ηa ku ba ku dǎ nηa si. Amma i jò i ce idòobii Ilaaǎ do idò nηε fei bei arui Kirisi ηa.

⁷ Ice iyi à dasi ɲɛ, i jò i coo do himma ɲa, nɔ kú yɛ bei Ilaaɗi ì waa cea ɲa, ku maà ti ku jɛ amanɛ ɲɲu akã.

⁸ I mà sãa sãa ɲa iyi Ilaaɗ á sãa inɛ fei ribai ice jiiida iyi í ce, baa bii aru, walakɔ inɛ iyi í nɛ arasi.

⁹ Inɛ lafɛɛ ɲa mɔ, i cea aru ɲɲɛ ɲa beɛbe, i maà ya ta ɲɲa gbugbã. I mà ɲa iyi inɛò ɲa fei Lafɛɛ akã ì nɛ lele bii inɛ gɔ kù re inɛ gɔ.

Jɲɛi igũi woo dasi Jesu naanɛ

¹⁰ Ide iyi í gbe ñ wa n bi n sã ɲɛ wee. Si anu akã ɲɲɛ do Lafɛɛ i jò gbugbã nlaɛ ku mua inɛ mɔ gbugbã ɲa.

¹¹ I dɪ jɲɛi igũ ɲa iyi Ilaaɗ wa mu ɲɲɛ fei, ku ba i yɔkɔ i leekɪ dim dim i kɔsiò kookoosu ikã ikã Seetam ɲa,

¹² domi kù jɛ do amanɛ ɲai à waa ja. À waa jai do ilu iri laalɔi lele ɲa do ilu yiiko ɲa, do ilaalu andunyai ilu kuku ɲau ihɛ, do inɛi inɔɔko woo ce icɛi Seetam ɲa.

¹³ Na ɲɲu, i so jɲɛi igũi Ilaaɗ fei i dɪ ɲa. Si beɛbe, bii ajoɪ wahala í na í naa, aa yɔkɔ i kɔò ara ɲɲɛ si wajui Seetam mbɛɛ ɲɲɛu. Nɔ bii ì ce igũ ì tã ɲa, i leekɪ dim dim hee kɔɔ.

¹⁴ Na ɲɲu, i dede i leekɪ dim dim ɲa. I jò ntɔ ku wɛɛ ɲɲɛ bei santiiki iyi sooge í ya dɪò gbankiliɛ, nɔ i jò dee dee ku jɛ ku wɛɛ ɲɲɛ má bei ibɔi isɔ.

¹⁵ I jò himmai laabaau jiiida ku sisi ku wɛɛ ɲɲɛ bei baata ɲɲɛ. Laabaau jiidau ã naaò laakai ku sũ wa.

¹⁶ Nɔ iyi í re mɔm, i jò naanɛ ku dasi ku wɛɛ ɲɲɛ jiiida jiiida bei teli iyi á ganji afa ku nɛ ina iyi Seetam mbɛɛ á ta wau ku to wa si ɲɛ.

17 Ì gba faabau bei fulai isɔ, nɔ ideɪ Ilaaḡ mɔ i gbaa ḡa bei taakubai Hundei Ilaaḡ.

18 Waati kãma fei i ya ce kutɔɔ ḡa nɔ i ya maa tɔɔ sobii Ilaaḡ ḡa. I dede i leekɪ do temua ḡa si ideɪ kutɔɔu do gbugbãi Hundei Ilaaḡ, nɔ i ya ce kutɔɔ na irii woo dasi naane fei ḡa.

19 Nɔ i cea amu mɔ kutɔɔ ḡa ku ba bii ñ cɪ gɛle, n ya n ba ide iyi an fɔ nɔ n nɛ wɔkɔ n sisið ideɪ laabaau jiida iyi wa singau wo.

20 Na irii ideui ñ jɛ woo bei Ilaaḡ baa do iyi ñ wa piisḡɔ si nsei. Na nḡu, i ce kutɔɔ ku ba n yɔkɔ n sisi ideu do wɔkɔ bei á sɪa.

Fɔɔi sukudḡ

21 Tisiki baakɔɔ nwa, woo ce ice ilu naane si kpãai icei Lafɛɛ, á sisi nḡe laabaauum fei ku ba i mà bei ñ wɛɛð ḡa do mii iyi ñ wa n ce.

22 Na ḡɔi í ce ñ bɔɔ wa si ḡe ku naa ku sḡ ḡe bei à wɛɛð ku ba ku tũ idɔ nḡe.

23 Nɔ Ilaaḡ Baaba do Lafɛɛ Jesu Kirisi a mua kpaasi woo dasi Jesu naane ḡa fei laakai ku sũ do kubi do naane jiida.

24 Nɔ didḡi Ilaaḡ ku wɛɛ do ine ḡa iyi à bi Lafɛɛ nwa Jesu Kirisi fei nɔ kubi nḡa ci ya kpaasi.

Akabuu Titõi Idei Ilaa **Monkole New Testament**

copyright © 2006 SIM International

Language: Monkole (Mokole)

Translation by: SIM International

Monkole, Akabuu Titõi Idei Ilaa

This translation, published by the UEEB/SIM au Benin, was published in 2006.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

596bf1bc-1348-53da-8787-98c1d2a18282